

Broj: 02-282-9/19

Datum: 06.06.2019.godine

Na osnovu člana 64. stav 1. tačka b), člana 70. stav 1, 2, 3 i 6. Zakona o javnim nabavkama („Sl. Glasnik BiH“, broj 39/14), (u daljem tekstu: Zakon) člana 39. internog Pravilnika o javnim nabavkama broj: 01-8-4-1/15 od 02.07.2015.godine, u skladu sa članom 45. Statuta Javne zdravstvene ustanove Univerzitetski klinički centar Tuzla (prečišćeni tekst), u vezi sa zapisnikom o pregledu i ocjeni ponuda broj: 02-282-8/19 od 31.05.2019.godine, (u daljem tekstu: zapisnik) u otvorenom postupku javne nabavke usluga pregleda i ispitivanja iz oblasti zaštite na radu i zaštite od požara, objavljenom na portalu javnih nabavki pod brojem: 867-1-2-50-3-60/19 i u Službenom glasniku BiH broj: 26 od 05.04.2019.godine, na preporuku komisije za javne nabavke, Direktor je donio

ODLUKU

o izboru najpovoljnijih ponuđača

I

Prihvata se preporuka komisije za javne nabavke i Okvirni sporazumi za nabavku usluga pregleda i ispitivanja iz oblasti zaštite na radu i zaštite od požara dodjeljuju se ponuđačima kako slijedi:

1. “Institut za zaštitu, ekologiju i obrazovanje” dd Tuzla, za LOT 1, 2 i 5
2. “Istitut za sigurnost i okoliš” doo Tuzla za LOT 6 i 8
3. “INPROZ-Institut” doo Tuzla za LOT 4
4. “MONSUN” doo Lukavac za LOT 7
5. “TQM” doo Lukavac za LOT 3
6. “Vatrosistemi” doo Sarajevo za LOT 9

II

Prijedlog okvirnog sporazuma dostavit će se na potpis izabranim ponuđačima iz tačke I ove odluke po isteku roka od 15 dana, računajući od dana kada su svi ponuđači obaviješteni o izboru najpovoljnijih ponuda.

III

Ova odluka će se objaviti na web-stranici www.ukctuzla.ba, istovremeno sa upućivanjem ponuđačima koji su učestvovali u postupku javne nabavke u skladu sa članom 71. stav 6. Zakona.

IV

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2) Zakona, zajedno sa zapisnikom u skladu sa članom 65. stav 2) Zakona.

O b r a z l o ž e n j e

Postupak javne nabavke usluga pregleda i ispitivanja iz oblasti zaštite na radu i zaštite od požara pokrenut je Odlukom o pokretanju postupka javne nabavke broj: 02-282-1/19 od 07.03.2019.godine, putem otvorenog postupka objavljenog na portalu javnih nabavki pod brojem: 867-1-2-50-3-60/16 i u Službenom glasniku BiH broj: 26 od 05.04.2019.godine. Predmetna nabavka je bila podijeljena na

lotove. U ostavljenom roku ponude je dostavilo ukupno 8 (osam) ponuđača. Nakon javnog otvaranja ponuda Komisija za javne nabavke je izvršila pregled dostavljenih ponuda te utvrdila da ponuđači "Institut za zaštitu, ekologiju i obrazovanje" dd Tuzla za lotove 3 i 6, "Institut za sigurnost i okoliš" doo Tuzla za lot 3 i "Rudarski institut" dd Tuzla za lot 6 nisu dostavili adekvatne dokaze tražene tenderskom dokumentacijom zbog čega njihove ponude za predmetne lotove nisu uzete u daljnje razmatranje.

Komisija je u nastavku izvršila ocjenu prihvatljivih ponuda koje su podnijeli kvalifikovani ponuđači primjenjujući kriterije za dodjelu utvrđene u tenderskoj dokumentaciji, te je nakon održane e-aukcije sačinila konačnu rang listu ponuđača kako je sve decidno navedeno u zapisniku o pregledu i ocjeni ponuda. Prema utvrđenoj rang listi, razlog za izbor ponuđača sadržan je u činjenici da su izabrani ponuđači podnijeli prihvatljive ponude koje su primjenom člana 64. stav 1 tačka b) ocijenjene kao najpovoljnije. Iz zapisnika je utvrđeno da je Komisija za javne nabavke pravilno izvršila ocjenu prispjelih ponuda a izbor ponuđača izvršen je u skladu sa Zakonom o javnim nabavkama, podzakonskim aktima, i tenderskom dokumentacijom.

Shodno naprijed navedenom a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove odluke može se podnijeti žalba Ugovornom organu najkasnije u roku od 10 dana od dana prijema ove odluke.

Dostaviti:

- 1 x Ponuđačima
- 1 x Komisiji za nabavke
- 1 x web
- 1 x a/a



DIREKTOR
Prof.dr.med.sci. Nešad Hotić